

Yohaana isa Xaafida Heedzantho Kiita Gaatha Qofa

Yohaana isa xaafida heedzantho kiita, Yesuusa hawaare gidida cimay, Yohaana isa xaafis. I ha kiita xaafiday, Gaayoosa geetetiya issi woosa keetha addiyasa. Xaafey issi baggara, Gaayoosi hara ammaniya asaa maaddida gisho iya galatees; hara baggara qassi, Diyotrafisa geetetiya woosa keetha halaqa gidanaw koya geella uraape naagetana mela akeekisees.

Maxaafa Ayfe Qofata

Sarothonne woosa (1-4)

Gaayoosi sabetis (5-8)

Diyotrafisi boretis (9-10)

Dimexroosi nashetis (11-12)

Sarotho (13-15)

Sarothonne woosa

¹ Taani cimay, tumaa dosiya Gaayoosas kiitida kiita.

² Ta siiquwaw, neeni ne shempuwan lo77o de7eysa ta ereysada new payyatethi daana melanne ne oothiyabay suurana mela new Xoossaa woossayis.

³ Guutha ammaniya asati yidi, ubba wode neeni tuman de7eysanne ne tumatethaba markatida wode taani daro ufaytas.

⁴ Ta nayti tumatethan de7eysa si7eysafe aad-hidi, tana ufaysiyabay baawa.

Gaayoo si Sabetis

⁵ Ta siiquwaw, enti new imathe gidikoka, neeni ammaniya asatas ammanthiya ooso oothaasa.

⁶ Enti ne siiquwaba woosa keethan markatoosona. Ha77ika enti biya ogiyan Xoossay doseysada oothada enta maaddiko lo77o oothaasa.

⁷ Enti Kiristoosa sunthaa gisho keyishe, amanonna asatape aykoka ekibookona.

⁸ Nuuni tuma oosuwa entara issife oothanaw haysa mela asata maaddanaw bessees.

Diyotrafisi Boretis

⁹ Taani woosa keethatas dabdaabe xaafas, shin enta halaqaa gidanaw koyiya Diyotrafisi nuuni geysa ekenna.

¹⁰ Hessa gisho, taani yaa biya wode I nu bolla odetiya iita odanne I oothida oosuwa odana. I hessi guuxis gidi, nu ishata yaa wode mokenna. Hari attoshin, enta mokaanaw koyeysataka diggidi woosa keethafe kessees.

Dimexroosi Nashetis

¹¹ Ta siiquwaw, lo77oba daanape attishin, iitabaa daanopa. Lo77oba oothiya oonika Xoossaa asi, shin iitabaa oothiya oonika Xoossaa be7ibeenna.

¹² Dimexroosi lo77o asi gideysa asa ubbay markatees. Tumay ba huuphen iyabaa markatees; nuka iyabaa markatoos; nu markatethay tuma gideysa hinte ereeta.

Sarotho

¹³ Taani new xaafanaw koyida darobay de7ees, shin qalameninne worqaten xaafanaw koyke.

¹⁴ Shin taani matara neera gahetanaw qopayis; he wode nuuni odetana.

¹⁵ Saroy new gido.

Ne dabboti nena saro yaagosona. Nu dabbota ubbaa enta sunthaa sunthaa xegada tana “Saro gis” yaaga.

Geeshsha Maxaafa
Gofa: Geeshsha Maxaafa (Bible) for Ethiopia, Latin
script

copyright © 2024 The Word for the World International

Language: Goofa (Gofa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

cd247997-ca42-596b-9d91-94ffba4675ef